

漢律考卷八

九朝律考卷八

閩縣程樹德著

律家考

周官大司寇正月之吉始和布刑於邦國都鄙乃縣刑象於象魏使萬民觀刑象挾日而斂之又有州長以下諸官屬民讀法其時人人知法而未嘗有律學之名班氏謂法家者流出於理官自李悝著法經其後商鞅申不害處子慎到韓非游棣子諸人并有著述列於漢書藝文志是此學戰國時始盛也秦焚詩書百家之言法令以吏爲師漢代承之此禁稍弛南齊崔祖思謂漢來治律有家子孫并世其業聚徒講授至數百人其可考者文苑英華引沈約授蔡法度廷尉制謂漢之律書出於小杜故當時有所謂小杜律見漢書郭躬傳晉志亦言漢時律令錯糅無常後人生意各爲章句叔孫宣郭令卿馬融鄭玄諸儒章句十有餘家家數十萬言凡斷罪所當由用者合二萬六千二百七十二條七百七十三萬二千二百餘言言數益繁覽者益難漢時律學之盛如此

馬鄭皆一代經學大儒，猶爲律章句。文翁守蜀，選開敏有材者張叔等十餘人，遣詣京師學律令。是漢人之視律學其重之也。又如此董卓之亂海內，鼎沸律學寢微。於是衛觐有設律博士之請，據魏志，觐傳觐奏曰：「九章之律，自古所傳，斷定刑罪，其意微妙，百里長吏皆宜知律。」請置律博士，轉相教授，事遂施行。沿六朝隋唐訖於趙宋代，有此官至元而廢。自是士大夫始鮮知律。此亦古今得失之林也。徐天麟東漢會要有律學一門，惜有目無書，茲篇所輯，凡得七十五人。漢時五經并置博士，授受淵源，儒林傳頗能言之。而治律之師承，則語焉不詳。東漢中葉，郭吳陳三家代以律學鳴，而郭氏出於小杜，可考者止此。其餘諸家授受淵源，莫能述焉。至諸家律說見於史漢注者，尙有數條，姑附於後。吉光片羽，致足珍也。作律家考。

蕭何

相國蕭何據摭秦法，取其宜於時者，作律九章。

刑法志

蕭何造律而漢室以寧。

論衡

蕭何守文法。

意林子引

蕭何定諸侯法令 玉海

叔孫通

叔孫通薛人也孝惠卽位定宗廟儀法及稍定漢諸儀法皆通所論著 本傳

叔孫通益律所不及傍章十八篇 習志

張蒼

張蒼定章程 高帝紀

漢興二十餘年天下初定公卿皆軍吏蒼爲計相吹律調樂入之音聲及以比定律令

任數傳

張蒼除肉刑所殺歲以萬計 魏志鍾繇傳

董仲舒

故膠東相董仲舒老病致仕朝廷每有政議數遣廷尉張湯親至陋巷問其得失於是

作春秋決獄二百三十二事 昭劭傳

公羊董仲舒春秋治獄十六篇 藝文志

董仲舒表春秋之義稽合於律無乖異者 論衡

賈誼 吳公

賈誼雒陽人也河南守吳公聞其秀材召置門下文帝初立聞河南守吳公治平爲天下第一故與李斯同邑而嘗學事焉徵以爲廷尉廷尉乃言誼年少頗通諸家之書文帝召以爲博士超遷歲中至大中大夫誼以爲漢興二十餘年宜草具儀法文帝謙讓未遑也然諸法令所更定其說皆誼發之 本傳

張叔

御史大夫張叔者名歐安邱侯說之庶子也孝文時以治刑名言事太子然歐雖治刑名家其人長者 史記本傳

張歐字叔孝文時以治刑名侍太子 本傳

鼂錯 張恢 宋孟 劉帶

鼂錯潁川人也學申商刑名於軹張恢生所 注詳古曰軹縣之國生姓張名恢錯從之申商法與雒陽宋孟及

劉帶 史記帶作禮 同師 本傳

錯所更令三十章 同上

龜錯三十二篇 藝文志

張湯

張湯杜陵人也父爲長安丞出湯爲兒守舍還鼠盜肉父怒笞湯湯掘爇得鼠及餘肉
効鼠掠治傳爇書訊鞠論報并取鼠與肉具獄爇堂下父見之視文辭如老獄吏大驚
遂使書獄遷大中大夫與趙禹共定諸律令務在深文 本傳

張廷尉論定律令明法以繩天下 鹽鐵論

張湯越宮律二十七篇 晉志

趙禹

趙禹潁人也武帝時以刀筆吏積勞遷爲御史上以爲能至中大夫與張湯論定律令
作見知吏傳相監司以法盡自此始 本傳

趙禹朝律六篇 晉志

杜周

杜周南陽杜衍人也少言重遲而內深次骨其治大抵放張湯本傳

兼律大杜馮鑑碑

韜律大杜荊州從事殉難碑

杜延年

延年字幼公亦明法律本傳

西河太守杜延年明於法度曉國家政事丙吉傳

父弘習小杜律注杜周武帝時爲廷尉御史大夫斷獄深刻其子延年亦明法律宣帝

時又爲御史大夫對父故言小郭躬傳

公孫弘

公孫弘菑川薛人也少時爲獄吏習文法吏事緣飾以儒術本傳

公孫弘著公孫子言刑名事謂字直百金西京雜記

韓安國 田生

韓安國字長孺梁成安人也嘗受韓子漢書注校補韓子補韓子雜說鄒田生所注師古曰田生

鄒縣人 本傳

于公 于定國

于定國字曼倩東海鄒人也其父于公爲縣獄史郡決曹決獄平糴文法者于公所決皆不恨定國少學法於父父死後定國亦爲獄史郡決曹以材高舉侍御史遷御史中

丞 本傳

丞相西平侯于定國者東海人也其父號曰于公爲縣獄吏曹掾決獄平法未嘗有冤

說苑

張于二氏繫譽文宣之世 南齊書

于定國爲廷尉集諸法律凡九百六十卷 魏書 志 刑

路溫舒

路溫舒字長君鉅鹿東里人也爲獄小吏因學律令轉爲獄史縣中疑事皆問焉宣帝

初上書言宜尙德緩刑 本傳

鄭賓

鄭崇父賓明法律爲御史事貢公

鄭崇傳

鄭昌 鄭弘

鄭弘字穉卿泰山剛人也兄昌字次卿皆明經通法律政事次卿爲太原涿郡太守弘爲南陽太守皆治迹條教法度爲後所述次卿用刑罰深不如弘平

本傳

黃霸

黃霸字次公淮陽陽夏人也以豪傑役使徙雲陵霸少學律令喜爲吏爲人明察內敏又習文法爲丞處議當於法合人心太守甚任之吏民愛敬焉

霸吏傳

嚴延年

嚴延年字次卿東海下邳人也少學法律丞相府歸爲郡吏以選除補御史椽

嚴吏傳

孔光

孔光字子夏孔子十四世孫也以高第爲尙書觀故事品式數歲明習漢制及法令

本傳

陳湯

陳湯字子公山陽瑕丘人也少好書博達善屬文大將軍鳳奏以爲從事中郎幕府事

壹決於湯湯明法令善因事爲執納說多從常受人金錢作章奏卒以此敗

本傳

丙吉

丙吉字少卿魯國人也治律令爲魯獄史積功勞稍遷至廷尉

本傳

薛宣

薛宣字贛君東海鄒人也少爲廷尉書佐都船獄吏以明習文法詔補御史中丞

本傳

尹翁歸

尹翁歸字子兄河東平陽人也少孤與季父居爲獄小吏曉習文法

本傳

何比干

比干字少卿經明行修兼通法律爲汝陰縣獄史法曹椽平活數千人

何氏家傳注引

武帝時爲廷尉正與張湯同時湯持法深而比干務仁恕數與湯爭雖不能盡得然所

濟活者以千數

何氏家傳

汝南何比干通律法元朔中公孫洪

當作弘

辟爲廷尉右平獄無冤民號曰何公

太平御覽

三十九
十一
引
錄

弘恭 石顯

宣帝不甚從儒術任用法律而中書令弘恭石顯久典樞機明習文法之能

弘恭明習法令故事

本傳

或曰載使子草律曰吾不如弘恭

注官

王禁

禁字雅君少學法律長安爲廷尉史

元后傳

淮陽憲王欽

宣帝寵姬張婕妤男淮陽憲王好政事通法律上奇其材欲以爲嗣

章元成傳

趙敬肅王彭祖

以孝景前二年立心刻深好法律

本傳

廣陵思王荆

荆性刻急隱患有才能而喜文法

光武十王傳

王霸

王霸字元伯潁川潁陽人也世好文法父爲郡決曹掾霸亦少爲獄吏注引東觀漢記曰祖父爲詔獄丞

本傳

梁統 梁松

梁統字仲寧安定烏氏人性剛毅而好法律

本傳

松字伯孫少爲郎博通經書明習故事

同上

郭弘 郭躬 郭晔 郭鎮 郭禎 郭儻 郭旻

郭躬字仲孫潁川陽翟人也父弘習小杜律太守寇恂以弘爲決曹掾斷獄至三十年用法平諸爲弘所決者退無怨情郡內比之東海于公年九十五卒

郭躬傳

躬少傳父業講授徒衆常數百家世掌法務在寬平乃條諸重文可從輕者四十一事奏之事皆施行著於令

同上

中子晔亦明法律至南陽太守政有名迹

同上

弟子鎮字桓鍾少修家業拜河南尹轉廷尉

同上

弟禎亦以能法律至廷尉

同上

鎮弟子僖少明習家業兼好儒學延熹中爲廷尉郭氏自弘後數世皆傳法律同上

郭躬家世掌法務在寬平東觀漢記

郭躬爲廷尉正遷廷尉家世掌法凡郭氏爲廷尉者七人藝文類聚四十九引華嶠後漢書

郭躬字仲孫潁川人辟公府以明法律特預朝議御覽六百四引續漢書

陳郭兩族流稱武明之朝決獄無冤慶昌枝裔南齊書

郭躬以律學通明仍業司士文苑英華沈約撰蔡法度廷尉制

治律小杜丹陽太守郭昱碑

郭昱字巨公太尉禧之子知郭氏世傳小杜律嘉補後漢書

郭賀

郭賀字喬卿維陽人能明法建武中爲尙書令在職六年曉習故事蔡茂傳

陳咸 陳寵 陳忠

陳寵字昭公沛國浚人也曾祖父咸成哀間以律令爲尙書平帝時王莽輔政多改漢制咸心非之卽乞骸骨收斂其家律令書文皆壁藏之咸性仁慈常戒子孫曰爲人議

法當依於輕雖有百金之利慎無與人重比

陳龍傳

龍明習家業少爲州郡吏辟司徒鮑昱府昱高其能轉爲辭曹爲昱撰辭訟比七卷奏

上之其後公府奉以爲法

同上

忠字伯始劉愷舉忠明習法律宜備機密於是擢拜尙書使三公曹忠自以世典刑法

用心務在寬詳

同上

陳寵曾祖父咸任成哀間以明律令爲侍御史

東漢記

陳咸字子威爲廷尉監執獄多恩議人常從輕比多所全活皆稱其恩

御覽二百三十一引謝承後漢書

王渙

王渙字稚子廣漢鄆人也習尙書讀律令略舉大義爲太守陳寵功曹

本傳

吳雄 吳訢 吳恭

順帝時廷尉河南吳雄季高以明法律斷獄平起自孤宦致位司徒子訢孫恭三世廷

尉爲法名家

郭躬傳

河間吳雄以明法律桓帝時自廷尉致位司徒雄子訢孫恭三世爲廷尉以法爲名家

九朝律考卷八

十四

藝文類聚四十九引華嶠後漢書書鈔五十三
御覽二百三十一引華嶠均作桓帝與范書異

吳雄以三世法家繼爲理職文苑英華沈約授
蔡法度廷尉制授

張禹

張禹字伯達作九府吏爲廷尉府北曹吏斷獄處事執平爲京師所稱明帝以其明達
法理有張釋之風超遷非次拜廷尉書鈔五十三
引東觀記

光武時有疑獄見廷尉曹史張禹所問輒對處當詳衷於是冊免廷尉以禹代之雖越
次而授亦足以厲其臣節也御覽二百三十
引漢官儀

侯霸

侯霸字君房河南密人也明習故事條奏前世善政法度有益於時者皆施行之本傳

陳球

陳球字伯真下邳淮浦人也少涉儒學善律令本傳

宗琳御覽二百三十一引作陳琳王文選
謝書職本作陳琳字伯真橋玄表琳明法律徵拜廷尉正五書十鈔

鍾皓

鍾皓字季明潁川長社人世善刑律

本傳

鍾皓字季明溫良篤慎博學詩律教授門生千有餘人

魏志鍾行狀注

陽球

陽球字方正漁陽泉州人也性嚴厲好申韓之學

本傳

樊曄

樊曄字仲華南陽新野人也爲天水太守政嚴猛好申韓法善惡立斷

本傳

周紆

周紆字文通下邳徐人也爲人刻削少恩好韓非之術

本傳

周樹

周樹達於法善能解煩釋疑入辟從事

身鈔七十三引謝承後漢書

徐徵

徐徵字君球蒼梧荔浦人少有方直之行不撓之節頗覽書傳尤明律令延熹五年徵

爲中部督郵

御覽二百五十三
廣州先賢傳

應劭

應劭字仲遠刪定律令爲漢儀建安元年奏之時始遷都於許凡朝廷制度百官典式

多劭所立

本傳

劭又著中漢輯敘漢官儀及禮儀故事凡十一種百三十一卷

魏志王粲傳
注引應氏書

漢世善駁則應劭爲首

文心
雕龍

應劭律略論五卷漢朝議駁三十卷應劭撰

隋志

黃昌

黃昌字聖真會稽餘姚人也曉習文法仕郡爲決曹

本傳

董昆 盧孟 荀季卿

董昆字文通餘姚人也少遊學師事潁川荀季卿受春秋治律令明達法理又才能撥煩縣長潘松署功曹史刺史盧孟行部垂念冤結松以孟明察法令轉署昆爲獄史孟到昆斷正刑法甚得其平孟問昆本學律令所事爲誰昆對事荀季卿孟曰史與刺史

同師孟又問昆從何職爲獄史松具以實對孟歎曰刺史學律猶不及昆召之署文學

御覽六百三十八引會稽典錄

董昆遷廷尉卿持法清峻不發私書御覽二百三十一引會稽典錄

叔孫宣 郭令卿 馬融 鄭玄

後人生意各爲章句叔孫宣郭令卿馬融鄭玄諸儒章句十有餘家家數十萬言言數

益繁覽者益難晉書刑注

張皓

張皓字叔明犍爲武陽人也雖非法家而留心刑斷數與尙書辨正疑獄多以詳當見

從本條

張浩字叔明治律春秋遊學京師善大將軍鄧騭順帝初立拜浩司空蜀志張翼傳注

按漢時廷尉多以法家爲之楊賜爲廷尉自以代非法家言曰三后成功惟殷於民

臯陶不與焉蓋吝之也遂固辭見楊賜傳侍御史治書侍御史亦以明法律者爲之

見百官志